



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

V. Privilegia, Exemptiones, & Indulta, Dapiferis, qui in Conclavi suæ  
Assumptionis S. R. E. Cardinalibus inservierunt, concessa.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Antonius Felicetus. Jo. Dominicus Zonus. Franciscus Orlandus. Joseph Colettus. Antonius Comus. Benedictus Mugnanus. Antonius Julius. Carolus Antonius Guinctus. Petrus Zucconus. Salvator Brandolinus. Paulus Antonius Brunus. Jo. Jacobus Giachettus. Jo. Franciscus Zonus. Dominicus Rubeus. Joseph Bernardini. Antonius Pifcis. Andreas Jo. Sanctori. Petrus Brandus. Joannes Rosssettus. Antonius Evangelista. Antonius Cambrunus. Fulvius Girottus. Jo. Maria Catenaccius. Augustinus Gabriellus. Jo. Paulus Guinctus, Scopatores Conclavis.

I V.

Confirmatio Decreti Cardinalis Palloti circa validitatem Capituli in Provincia Peruana à Fratribus Ordinis Eremitarum S. Augustini celebrati.

Edita An. D.  
1667.

CLEMENS PAPA IX.

Ad futuram rei memoriam.

Causa Indul.

**A**Lias pro parte dilecti filii Domini de Cifuentes Provinciae Peruanae Ord. Eremitarum S. Augustini Procuratoris specialis ad petendam confirmationem Capituli ejusdem Provinciae ultimo loco celebrati, necnon Definitoris profereundo suffragio nomine ejusdem Provinciae in Capitulo Generali Ord. hujusmodi tunc proximè celebrando Congregationi Venerab. Fratrum nostrorum S. R. E. Cardinalium negotiis, & consultationibus Episcoporum, & Regularium praeposita exposito quod dilectus pariter filius Ignatius de la Cerda Frater expressè professus Ord. praedicti praemissis se opponebat coram tunc existente Priori Generali d. Ord. necnon Venerab. fratre nostro Joanne Baptista Episcopo Tusculan. ejusdem S. R. E. Cardinalis Palloti nuncupato Ord. hujusmodi apud Nos, & Sedem Apostolicam Protectore; Et propterea d. Congregationi pro parte Domini praedicti supplicato, quatenus praeciperet, & mandaret, ut in hujusmodi causis procederetur ad praescriptum literarum, & decretorum Apostolicorum.

Decretum Sac. Congr.

§. 1. Emanavit ab eadem Congregatione decretum tenoris qui sequitur videlicet, Sacra Congregatio Eminentissimorum S. Romanae Ecclesiae Cardinalium negotiis, & consultationibus Episcoporum, & Regularium praeposita attentis narratis Oratoris preces remisit ad Eminentissimum Pallotum Ordinis hujusmodi apud hanc Sanctam Sedem Protectorem qui supra expositis pro suo arbitrio, & prudentia decernat quod Juris erit ad praescriptum Apostolicarum, & ejusdem Ordinis Constitutionum. Romae 13. Maii 1667. M. Card. Ginettus.

Decretum Card. protectoris.

§. 2. Cum autem sicut nomine dilectorum etiam filiorum Prioris, Provincialis, & Definitorii memoratae Provinciae Peruanae Nobis nuper expositum fuit praedictus Joannes Baptista Cardinalis, & Protector vigore decreti praesertim subinde partibus auditis, decretum ediderit, tenoris sequentis, videlicet. Joannes Baptista misericordie divina Episcopus Tusculanus S. R. E. Cardinalis Pallotus nuncupatus totius Ord. Eremitarum S. Augustini auctoritate Apostolica Protector, & in Capitulo Generali ejusdem Ordinis Praefes, in causa, seu causis coram Nobis etiam ex rescripto Sacrae Congregationis Eminentissimorum S. R. E. Cardinalium negotiis Episcoporum, & Regularium praeposita pendens. super validitate electionum Definitoris, & Discreti facti in Definitorio Provinciae Peruanae, necnon super confirmatione, seu annullatione Capituli Provincialis d. Provinciae auditis partibus oretenus, & in scriptis, reque mature considerata declaramus d. Capitulum valide celebratum, & proinde confirmandum esse, prout con-

firmamus, & nihilominus P. Mag. Ignatium de la Cerda in praedicto Definitorio ante tempus Capituli Provincialis in Definitore Capituli Generalis electum, attenta bona fide, & consensu à Patre Lectore Fratre Dominico de Cifuentes in Definitorem ejusdem Capituli Generalis in d. Capitulo Provinciali electo pro bono pacis spontè praeslito admittendum esse ad ferendum votum in Capitulo Generali mox celebrando, tamquam Definitorem, Patrem verò Magistrum Gabrielem Aqueva in praedicto Capitulo Provinciali in Discretum ad idem Capitulum Generale electum in eodem tanquam Discretum ad ferendum votum admittendum esse, & ita decernimus, & mandamus, non solum praedicto, verum etiam omni alio meliori modo. Datum Romae die 26. Maii 1667. J. B. Card. Pallotus Protector, ac Praefes, & Delegatus. Praedicti verò exponentes decretum hujusmodi pro firmiori illius subsistentia Apostolicae confirmationis nostrae patrocinio communiri summo perè desiderant.

Quod modo hic confirm.

§. 3. Nos specialem ipsis exponentibus gratiam facere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententis, censuris, & pœnis à jure, vel ab homine quavis occasione, vel causa latis, si quibus quomodolibet innodatae existant, ad effectum praesentium dumtaxat consequendum harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinati praesertim memorati Joannis Baptista Episcopi Cardinalis, & Protectoris decretum auctoritate Apostolica tenore praesentium confirmamus, & approbamus, illique inviolabilis Apostolica firmitatis robur adjicimus; ac omnes, & singulos juris, & facti defectus si qui desuper quomodolibet intervenerint supplementus.

Decretum irritans.

§. 4. Decernentes ipsas praesentes literas firmas, validas, & efficaces existere, & fore, suoque plenarios, & integros effectus fortiri, & obtinere, ac illis, ad quos spectat, & spectabit in futurum plenissime suffragari, sicque in praemissis per quoscumque Judices ordinarios, & delegatos, etiam Causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 5. Non obstantibus Constitutionibus, & ordinationibus Apostolicis, necnon quatenus opus sit Ordinis & Provinciae hujusmodi etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plenè, & sufficienter expressis, & ad verbum insertis habentes, illis aliis in suo robore permansuris, ad praemissorum effectum hac vice dumtaxat specialiter, & expressè derogamus, ceterisque contrariis quibuscumque.

Dat. P. A. I. die 11. Aug.

Datum Romae apud S. Mariam Majorem sub Annulo Piscatoris, die 11. Augusti 1667. Pontificatus Nostri anno primo.

Privilegia, Exemptiones, & Indulta, Dapiferis, qui in Conclavi suae Assumptionis S. R. E. Cardinalibus infervierunt, concessa.

V.

CLEMENS PAPA IX.

**M**Otu proprio, &c. Nos volentes dilectos filios nostros, dum Cardinalatus honore

Causae hujus Indulti.

funge-

fungebamur, & Venerabilium Fratrum nostrorum Sanctæ Romanæ Ecclesiæ Cardinalium Dapiferos, qui Conclavi, in quo Divina favente Clementia ad Summi Apostolatus apicem assumpti fuimus, inservierunt, quique ea de causa labores, vigiliis, & incommoda plura subierunt, habita ratione obsequiorum hujusmodi favoribus, gratis, & privilegii pro cujuscumque meritis exornare, ac eosdem Dapiferos, & eorum singulos.

§. 1. Motu proprio, non ad ipsorum Dapiferorum, vel alterius pro ipsis Nobis super hoc oblatæ petitionis instantiam, sed de mera liberalitate, certaque scientia nostris, deque Apostolicæ potestatis plenitudine in veros, indubitatos, & non fictos familiares continuos Commensales nostros, & eos, qui ex illis Clerici existunt, seu militiæ Clericali adscribi desiderant, quovisque tres ex præfatis Cardinalibus in quolibet ordine antiquiores gradu, Nobilitate, & aliis meritis dignos tali dignitate judicaverint, in nostros & Apostolicæ Sedis Notarios, sine tamen præjudicio dilectorum filiorum Notariorum de numero participantium, tenore præsentium recipimus, & tam illos, quam alios Dapiferos singulos, qui singillatim ab eisdem Tribus Cardinalibus digni tali honore approbati fuerint, Sacri Palatii, & Aulæ Lateranen. Comites, & Milites, ac tam illos, quam alios omnes quoscumque Dapiferos indistinctè, qui Nobiles non sunt, Nobiles, quique Urbis, vel alicujus alterius ex Civitatibus, temporali dominio dictæ Romanæ Ecclesiæ mediatur, vel immediate subiectis, Cives esse voluerint, singulos in ea ipsa Civitate, quam singillatim quisque eorum elegerit, & ad quam ab eisdem Cardinalibus se admitti petierit, veros Cives ad instar, & nulla prorsus differentia inter eos, & singulos alios veros Originarios, & antiquissimos, & nobiles participantes Cives ipsius Urbis, vel Civitatis.

§. 2. Ita ut ipsum jus Civitatis ad quoscumque eorum hæredes eodem modo transeat, creamus, constituimus, & deputamus, ac Nobilitatis, & Civilitatis titulo, honore, & insignibus decoramus aliorumque Familiarium continuorum Commensalium Nobis actu in Palatio nostro Apostolico fervientium, & in illius Tinello comedentium, & bibentium nostrorum, & Sedis Apostolicæ Notariorum, Palatiique, & Aulæ præfate Comitum, Militum, & Nobilium, & Civium hujusmodi Originariorum numero, & confortio favorabiliter aggregamus, & pro veris, indubitatis, & non fictis Familiaribus continuis commensalibus, ac Notariis nostris, Comitibusque, Militibus, Nobilibusque, ac Civibus deinceps haberi, & reputari volumus, & mandamus, eisque in quibuscumque impetrationibus, ac concessionibus, & literis, tam gratiam, quam justitiam separatim, seu utramque mixtam concernen. se Familiares, continuos commensales nostros, & Comites, Milites, Nobiles, ac Cives & originarios nominari, nec propterea impetrationes, concessionem, & literæ ipsæ subreptionis vitio subjaceant, sed validæ, & efficaces existant, ac ex nunc deinceps, & in perpetuum omnibus, & quibuscumque, & prorsus similibus antelationibus antelationum, prærogativis, privilegiis, libertatibus, immunitatibus, exemptionibus, decretis, declarationibus, derogationibus, mandatis, suspensionibus, favoribus, gratis, privilegiis, indultis, ac iuribus, quibus alii nostri Familiares tempore dictæ Assumptionis nostræ ad Summi Apostolatus apicem, ac quibus alii ejusdem Sedis Notarii, etiam de numero participantes, existentes, etiamsi habitum, & Rochettum Notariorum ipsius Sedis non deferant, Palatiique & Aulæ prædictæ Comites, & Milites, ac Nobiles Originarii, & Antiquissimi Cives ejusdem Urbis, vel Civitatis, quam, ut præfertur, elegerint quicumque ex utroque Parente verè Nobili, ac Cive

Civili, & originario antiquissimo procreati de jure, statuto, consuetudine, vel aliâ ex aliquo speciali Privilegio, seu aliâ etiam per quascumque literas, seu Constitutiones Apostolicas pro tempore editas, utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, ubique locorum in judicio, & extra, sine tamen eorundem Notariorum de numero participantium præjudicio, uti, frui, potiri, & gaudere liberè, & licitè valeant realiter, & integre in omnibus, & per omnia etiam in Urbe, & Civitate hujusmodi non habitaverint perinde, ac si de vero nobili genere ex utroque Parente Originario, & antiquissimo Cive procreati forent, & hujusmodi prærogativæ, privilegia, exemptiones, gratiæ, favores, concessionem, Indulta, & jura, quæ pro aliis Nobilibus, & Civibus Originariis emanarunt, & quæ ratione Nobilitatis, & Civilitatis naturalis, & originariæ aliis competunt pro eisdem Dapiferis in specie emanassent, seu emanarent, eidem naturaliter de jure, statuto, consuetudine, fundatione, vel aliâ competere, vigore præsentium indulgemus.

§. 3. Ac singulos Dapiferos præfatos à solutione, & exactione Decimarum Ecclesiasticarum ubique locorum, & ex quacumque quantumvis urgentissima, & inexcogitabili causa, & occasione, etiam ad instantiam Imperatoris, Regum, Rerumpublicarum, etiam Venetorum, & quorumcumque aliorum Principum impositarum, & imponendarum pro tempore liberamus, & eximimus, liberisque, & exemptos fore, & esse decernimus, ipsi Dapiferis, eorumque singulis quoscumque fructus, & proventus Ecclesiasticos tam occasione Pensionum annuarum ipsis, vel eorum alicui reservatarum, quam ratione omissionis recitationis horarum canonicarum indebitè perceptos, cujuscumque quantitatis fuerint, gratis remittimus, & condonamus, ac cum eis super inhabilitate per eos propterea quomodolibet contracta, vel etiam ex eo, quod censuris hujusmodi ligati Missas, & aliâ Divina officia, non tamen in contemptum clavium, celebraverint, aut aliâ in Divinis se immiscuerint, ut illa, & eisdem præmissis non obstantibus, ad omnes etiam Sacros, & Presbyteratus ordines aliâ tamen ritè promovere, & illis etiam susceptis aliâ ritè per eos ordinibus etiam in Altaris Ministerio ministrare etiam liberè, & licitè valeant, dispensamus.

§. 4. Ac eosdem Dapiferos, si qui eorum defectum Natalium patiuntur ex quocumque damnato, & illicito coitu, etiam ex nobilissimis parentibus, ac viribus sceminis, forsitan procreati sint etiamsi legitimitati aliâ existant, legitimamus, omnemque ab illis genituræ hujusmodi maculam, sive notam abstergimus, & abolemus, ac legitimis Natalibus restituimus, ac cum eorum singulis, ut in quibuscumque bonis paternis, & maternis, & aliorum consanguineorum, seu Cognatorum, vel aliorum quorumcumque, non tamen feudalibus, & emphyteuticis, aut ecclesiasticis, vel ab Ecclesia acquisitis, ac sine præjudicio Venientium ab intestato, vel ex fidei commisso, seu aliâ de jure valida dispositione succedere, & illa donationis, seu alio quovis titulo consequi, & habere, ac ad æquales portiones cum legitimis succedere, eos ad omnia jura legitima, & successiones ex testamento, vel ab intestato hereditate, legata, libertates restituendo, & reintegrando realiter, & cum effectu.

§. 5. Necnon ad dignitates, honores, & quæcumque alia officia secularia publica, vel privata, etiam assumi, illaque gerere, & exercere in omnibus, & per omnia, ac si de legitimo matrimonio procreati forent, ac eodem defectu non obstantes, si aliud canonicum eis non obstitit impedimentum, ac clericali charactere, qui illo nondum

A Gabellis, aliisque omnibus liberat.

Illegitimos, legitimis natalibus restituit.

Ad dignitates, & officia admittit.

Jus civitatis in ipsorum hæredes transfert.

Comites, & milites creat.

insigniti sunt, insigniri, & ad omnes etiam sacros & Presbyteratus ordines, si ad illos nondum promoti sunt, promoveri, & post modum carere, & Ordinibus hujusmodi, illorumque Privilegiis uti, ac in eisdem ordinibus etiam in Altaris ministerio ministrare, ac quæcumque, & quæcumque cura; & sine cura beneficia Ecclesiastica, etiam si personatus administrationes, & Officia etiam curata, & electiva in Cathedralibus & Metropolitanis, vel Collegiatis Ecclesiis, seu si Parochiales Ecclesiæ, vel earum perpetuæ Vicariæ, ac Canoniciatus, & præbendæ, non tamen in Cathedralibus post Pontificalem, majores, nec principales in Collegiatis Ecclesiis hujusmodi fuerint, si sibi alias canonicè conferantur, aut ipsi eligantur, presententur, vel alias assumantur ad illa, & insistantur in illis recipere, & dummodò plura simul non sint, quamque à Concilio Tridentino permittuntur, quoad vixerint, retinere liberè, & licitè valeant, similiter dispensamus.

§. 6. Quodque omnes, & quæcumque gratiæ, provisiones, Commendæ, ac præsentis, & quævis aliæ literæ Apostolicæ, ac etiam in forma Brevis pro illis expediendæ gratis ubique expediantur, tam de capiendâ possessione nomine Cameræ Apostolicæ, quam in favorem literarum Apostolicarum: ubi illis super provisionibus quorumcumque beneficiorum Ecclesiasticorum dari poterunt, prout nostris Familiaribus, & continuis Commensalibus etiam gratis dantur, ac conceduntur, ac dari, & concedi debent, præcipimus, & mandamus, ac Dapiferis præfatis, & eorum singulis, ut quicumque loci Ordinarii, vel Canonici Metropolitanarum, aut aliarum Ecclesiarum, aut personæ quæcumque Ecclesiasticæ, in dignitate Ecclesiastica constitutæ, tam in Romana Curia, quam extra eam ad id per eos, & eorum singulos eligendi, seu eligendæ quæcumque Pensiones annuas eis, eorumque singulis super fructibus, redditibus, proventus, juribus, obventionibus, & emolumentis universis certis, & incertis, ac distributionibus quotidianis quarumcumque mensarum Episcopali, Archiepiscopali, & Abbatiali, ac Dignitatum, & Canonicatum, & Præbendarum, cæterorumque beneficiorum Ecclesiasticorum etiam per S. R. E. Cardinales obtentorum, & imposterum obtinendorum cum cura, & sine cura Sæcularium, aut quorumvis Ordinum Regularium, seu fructus, redditus, & proventus aliæque emolumenta, & distributiones hujusmodi reservatas, seu reservatos, ac reservandas, seu reservandos, etiam si alias semel, vel pluries translati fuerint usque ad summam centum ducatorum in toto, vel in parte, ac etiam in mortis articulo cassare, & extinguere, ac postquam cassatæ, & extinctæ fuerint, alias similes Pensiones annuas, seu fructus, redditus, & proventus, & alia emolumenta, & distributiones hujusmodi usque ad summam prædictam, uni, vel pluribus aliis personis Ecclesiasticis per eisdem Dapiferos, & eorum singulos nominandis quocumque, quæcumque, & quæcumque beneficia Ecclesiastica obtinentibus, & expectantibus; alias tamen Pensionum hujusmodi capacibus similiter eis quoad vixerint, vel eorum Procuratoribus legitimis eisdem modo, & forma, quibus eisdem Dapiferis reservatæ, seu reservandæ fuerint etiam absque beneficiis hujusmodi Obtinentium consensu integrè persolvendas, seu persolvendos, & per eos percipiendas, exigendas, levandas, ac percipiendos, exigendos, levandos, reservare, constituere, & assignare valeant, ipsique Translatarii in possessionem dictas Pensiones exigendi, in qua ipsi Dapiferi tempore translationis per eos vigore presentium faciendæ, existebant, in omnibus, & per omnia subrogati esse censeantur etiam concedimus, & indulgemus etiam

De pensionibus dispensat.

si similem gratiam à Prædecessoribus nostris aliis forsitan obtinuerit, seu quilibet eorum obtinuerit, illius effectu cumulative eos gaudere, & potiri volumus.

§. 7. Decernentes ipsas translationes, & novas reservationes, constitutiones, & assignationes Pensionum, seu fructuum, reddituum, & proventuum, aliorumque hujusmodi plenam roboris firmitatem obtinere, ipsosque beneficia, super quorum fructibus, redditibus, & proventus reservatæ fuerint, obtinentes ad illas persolvendas efficaciter obligatos fore, ac eisdem Dapiferis, ut ratione quarumcumque Pensionum eis, & eorum quilibet, super quibuscumque beneficiis Ecclesiasticis, ut præfertur, vel alias quomodolibet qualificatis, non tamen ultra summam ducentorum ducatorum auri de Camera pro quolibet, tunc, & pro tempore reservatarum, ac reservandarum, habitum, & tonsuram clericales gestare, & in illis dummodò ipsi habitum decentem, & honestum deferant, incedere minimè debeant, nec ad id à quoquam cogi, seu compelli, minusque aliquas sententias, aut censuras, etiam privationis, seu cessationis ipsarum Pensionum ad prædictam summam ducentorum ducatorum ascendentes, & reservatas, ut præfertur, etiam si matrimonium contraxerint cum unica tantum, & virgine, recipere, & retinere.

§. 8. Postmodò quòd bona quæcumque ad dictos Dapiferos, & eorum quemlibet spectantia, & per eos etiam ratione quorumcumque Beneficiorum Ecclesiasticorum etiam Canonicatum, & præbendarum, ac Dignitatum quarumcumque per eos aliis obtentorum, & obtinendorum, aut alias quomodolibet, & quovis quæsito colore, vel ingenio, seu eorum industria, legitime tamen & licitè acquisita, & acquirenda etiam in Urbe, ejusque districtu, ac ubicumque existentia, spoliis minimè subjacent: sed ipsi Dapiferi etiam si Religioni alicujus Militiæ, etiam Sancti Joannis Hierosolymitani adscripti fuerint, de illis in favorem quarumcumque Personarum de jure tamen capacium, etiam si Curiales esse desierint, & in quocumque loco quantumvis remoto, eos decedere contigerit, testari, & aliis disponere, eis ab intestato decedentibus eorum hæredes quicumque succedere liberè, & licitè valeant, simili modo concedimus, & indulgemus.

§. 9. Præcipientes, & mandantes dilectis filiis nunc, & pro tempore existentibus S. R. E. Camerario, Thesaurario, Præfidentibus, Clericis Cameræ nostræ Apostolicæ, & quibuscumque aliis spoliarum hujusmodi Collectoribus, ac Militiarum præfatarum Officialibus, aut Procuratoribus ne in hujusmodi bonis manus apponant, neque hæredes dictorum Dapiferorum desuper molestare audeant, seu præsumant, ac etiam decernentes donationes, etiam per viam Testamenti, & Codicillorum per ipsos Dapiferos de eorum bonis hujusmodi, servatis de jure servandis, faciendas semper, & perpetuò validas, & efficaces fore, nec eisdem Dapiferos eorumque aliquem ad literas super presentibus conficiendas in dicta Camera insinuandum, aut admitti, & registrari petendum teneri, nec illas etiam si intra tempus legitimum insinuatæ, admittæ, seu registratæ, non fuerint, propterea minus validas censerit, sed suos plenarios effectus sortiri debere, eisdemque præsentis, & in eis contenta quæcumque sub quibusvis revocationibus, limitationibus, suspensionibus, modificationibus, decretis, Constitutionibus Apostolicis similium gratiarum revocatoriis, vel quæ eas limitarent aut moderarent, quæ à Nobis, & dicta Sede pro tempore, & de quibusvis causis, etiam urgentissimis, etiam in Divini cultus augmentum, etiam consistorialiter, vel aliis quavis auctoritate hæctenus, vel imposterum emanaverint, minimè comprehendi, sed quoties illæ

Translationes pensionum concedit eo modo de quo in conit.

Ad testandum habilitat.

A molestis liberat.

emanant, toties in pristinum statum repositas, & reintegratas esse, & censeri, Sicut per quoscumque Judices etiam Commissarios quavis auctoritate fungentes in quavis causa, & instantia, sublata eis, & eorum cuilibet quavis aliter iudicandi, & interpretandi facultate, & auctoritate, ubique iudicari, & diffiniri debere, irritum quoque, & inane, si secus super his à quoquam quavis auctoritate scienter, vel ignoranter contigerit attentari.

Expeditionem gratiosam mandat.

§. 10. Et insuper dilectis filiis Rescribendario, & Computatori Collegii Scriptorum litterarum Apostolicarum, & aliis, ad quos earundem litterarum expeditione spectat, in virtute sanctae obedientiae, & sub poena indignationis nostrae Motu, scientia, & potestatis plenitudine similibus mandamus ut easdem praesentes, & forsan alias litteras super praemissis omnibus tam conjunctim, quam divisim, ac pro singulis quibuscumque derogationibus, decretis, & clausulis in eis contentis, Gratis de mandato nostro ubique in omnibus Officiis, etiam Abbreviatorum, Sollicitatorum, Secretariorum Plumbi, & Registri absque aliqua pecuniaria exactioe, etiam per viam compositionis faciem. omni contradictione, & dilacione cessantibus, signent, expediant, & expediri faciant.

Contrariis derogat.

§. 11. Non obstantibus eisdem praemissis, ac de certo Notariorum numero, etiam si ad illum non sit devenum, quibus aliis per praesentes non intendimus derogare, ac regula nostra de praestando consensu in Pensionibus, ac foelicis recordationis Pii Papae Quarti Praedecessoris nostri, de similibus, vel dissimilibus gratis in Camera Apostolica infra tres Menses praesentandis, ac registrandis, ac recolendae memoriae Pii Papae V. etiam Praedecessoris nostri contra Illegitimos, ac Pictaven. Concilii, & aliis Apostolicis; ac etiam in Universalibus, Provincialibusque Conciliis editis specialibus, vel generalibus Constitutionibus, & Ordinationibus, & Monasteriorum Ecclesiarum Ordinum, etiam Sancti Joannis Hierosolymitani, ac etiam Urbis Romae, & aliarum Civitatum, Oppidorum, & Terrarum, aut Camerae praedictae, ac quarumvis Universitatum, etiam juramento, confirmatione, vel quavis firmitate alia roboratis statutis, stabilimentis, usibus, & naturis, decretis, ac etiam novis reformationibus, ac etiam legibus, tam Pontificiis, quam Imperialibus, Regiis, & Ducalibus, etiam Sacris Canonibus, Privilegiis quoque, induitis, & literis Apostolicis Superioribus, ac personis, & locis quibuscumque in genere, vel in specie sub quibuscumque tenoribus, & formis, ac cum quibusvis derogatoriis derogatoriis, aliisque efficacioribus, efficacissimis & insolitis clausulis irritantibus, & aliis decretis, etiam vim contractus, & statuti perpetui continentibus, etiam Motu, scientia, & potestatis plenitudine, similibus, ac etiam Confissorialiter, ac aliis forsan in contrarium quomodolibet concessis, approbatis, & innovatis, inter alia disponen. quod beneficia Urbis non nisi personis certis modo, & forma qualificatis, & oriundis ex certis locis, ac trium Ordinum Militiarum expressè professis conferri, & commendari soleant, quibus omnibus, etiam si alias pro eorum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales, idem importantes mentio, seu quavis alia expressio habenda foret, aut aliqua alia exquisita forma ad hoc servanda foret, eorum decretis, ac si de verbo ad verbum, nihil penitus omisso, & forma in illis tradita observata inserti forent, praesentibus plenè, & sufficienter expressis habentes illis alias in suo robore permanentibus hae vice dumtaxat specialiter, & expressè harum serie Motu pari derogamus, ceterisque contrariis quibuscumque cum clausulis opportunis.

Fiat Motu proprio I.

Et cum absolute à censuris ad effectum &c. & in casibus regulae de infordecentibus cum opportuna illius, necnon alterius regulae de non tollendo jure quaesito, aliisque necessariis, & opportunis derogationibus, quatenus opus sit, & quod Indultorum, concessionum, gratiarum, derogationum, aliarumque praemissorum omnium, & singulorum major, & verior specificatio, & expositio fieri possit in literis, in quibus singulorum Dapiferorum nomina, & cognomina, ordines, qualitates, gradus, Dioeceses, Patriae, & alia requisita exprimi, & describi, seu pro expressis, & descriptis haberi possint juxta Notulam per ipsos, seu eorum Deputatos confectam simul, vel ad partem etiam in una non facta mentione de illa, vel aliis, prout videbitur expedire expedien. &c.

§. 12. Volumus autem, quod litterarum super praesentibus conficiendarum transumptis, etiam impressis, & sigillo, & manu alicujus personae in dignitate Ecclesiastica constitutae munitis, subscriptis, eadem fides tam in iudicio, quam extra illud adhibeatur, quam originalibus litteris adhibetur, si forent exhibitae, vel ostensae. Volumus autem, quòd sola praesentis Motu proprii Nostri Signatura sufficiat, & ubique fidem faciat in iudicio, & extra illud, regula quacumque contraria non obstante.

Fiat I.

Datum Romae apud Sanctam Mariam Majorem Quartodecimbris Septembris Anno primo.

Dar. p. An. i.  
die 19. Aug.

*Nomina autem ipsorum Dapiferorum sunt haec, quae sequuntur.*

**P**Aulus Strada Romanus Clericus Conjugatus noster dum Cardinalatus honore fungebatur. Gentilius Fidelis Clericus Camerinen. Francisci Offien. Barberini, Joannes Gamba J. U. D. Sacerdos Ravennaten. Martii Portuen. Ginetti. Abbas Carolus Vainus Commendatarius Sanctorum Mauriti, & Lazari Romanus, Antonii Praenestini. Barbarini, Joannes Baptista Vannius Clericus de Caldarella, Joannis Baptista Tusculan. Palotti. Baldus Corradus Clericus Maceraten. Francisci Mariae Sabinen. Brancatii. Canonicus Guidus Muccioli Sacerdos de Burgo pacis Urbanien. Ulderici Albanen. Carpinei. Antonius Talentius Canonicus Romanus, Ernesti Adalberti S. Praxedis Harrach. Franciscus Botius Sacerdos, & Canonicus Genuensis, Stephani Sancti Laurentii in Lucina Duratii. Joseph Lampanus Clericus J. U. D. à Monte Fiascone, Julii Sanctae Prisciae Gabrielli. Paulus Nicola Vinerius Laicus Recanaten. Virginii Sanctae Mariae Angelorum Urfini. Caesar Sega Clericus Bononien. Caesaris Sanctorum quatuor Coronatorum Fachenetti. Alexander Libicinus Clericus, & Prior Sancti Siffoini Dioc. Aximo Hieronymi Sanctissimae Trinitatis in Monte Pincio Grimaldi. Comes Joannes Baptista Laverchius Laicus Faen. & Eques Sancti Stephani, Caroli Sancti Stephani in Capite Rosselli. Antonius Maria Petronius J. U. D. Sacerdos à Monte Reale Dioc. Reatin. Nicolai S. Mariae Transiberim Ludovicii. Joan. Baptista Tamphanus Sacerdos Forosempronien. Alderani Sanctae Pudentianae Cibo. Hieronymus Lancetrus Clericus Cesenaten. Federici Sancti Petri ad Vincula Sfortia. Felix Bonafides Clericus Firmanus, Benedicti Sancti Honuphrii Odescalchi. Joannes Baptista Pellegrinus Clericus Mediolanen. Laurentii Sanctorum Quirici, & Julitae Raggii. Joannes Rennis Ambianen. Dioc. Laicus, Francisci Pauli S. Mariae super Minervam de Retz. Carolus Vismara Laicus Mediolanen. Aloyfii S. Alexii Homodei. Benedictus Mazzinus Clericus Romanus, Petri S. Marci Ottobon. Fulvius Augustinus Venetianellus Clericus J. U. D. Urbinaten.

Laurentii S. Chirifogoni Imperialis. Angelus Clannellonus Laicus Reatinus, Giberti Sanctorum Joannis, & Pauli Borromei. Julius Guafcus Clericus Romanus Marcelli S. Stephani in Monte Caelio Sanctacrucii. Joannes Baptista Buccata Clericus Bergomen. Joannis Baptistae Sancti Marcelli Spadae. Angelus Vignatus Laicus Lodogianus, Francisci S. Mariae in Via Albici. Franciscus Horatius Speculus Clericus Romanus, Octavii Sanctae Caeciliae de Aquaviva, Antonius Theodosius Senensis Clericus, Flavii S. Mariae de Populo Chisii. Thomas Claudius Clericus Conjugatus Pergulen. Scipionis S. Sabinae Delcii. Franciscus Salundocius Clericus Florentin. Hieronymi Sanctae Agnetis extra moenia Farnesii. Michael Bizzottus Sacerdos Canonicus Ecclesiae Collegatae Sanctorum Paulini, & Donati Lucen. Hieronymi S. Hieronymi Illycorum Bonvisi. Hieronymus Piccolomineus Clericus Senen. Antonii S. Augustini Bichii. Dominicus Venantius Clericus Nepen. Petri S. Calixti Vidoni. Hieronymus de Dominicis Sacerdos Belfortis Camerinen. Diaec. Gregorii S. Thomae in Parione Barbarici. Franciscus Antonius Scarinius Clericus Romanus, Hieronymi SS. Marcellini, & Petri Boncompagni: Hieronymus Muciolus Clericus Pisfauren. Alphonfi S. Crucis in Hierusalem Litte. Joseph Fiducius Clericus de Monte Pulciano, Neri Sanctorum Nerei, & Achillei Corsini. Philippus Argentus Laicus à Civitate Vetere, Caroli S. <sup>an</sup>taffaii Bonelli. Ludovicus Gabutius Sacerdos <sup>an</sup>manus, Coelii S. Petri in Monte Aureo Piccolominei. Joannes Antonius Fiducius Clericus Conjugatus de Monte Pulciano, Caroli S. Sufannae Carafae: Dominicus Minutius Sacerdos à Montealbotto Senogallien. Diaec. Palutii Sanctorum duodecim Apostolorum Palutii Albertonii. Petrus Franciscus Jandinus Sacerdos Forolivien. Caefaris S. Joannis arte Portam Latinam Rafponi. Lelius Bertonus Clericus Rolan. Nicolai S. Mariae Transpontinae de Comitibus. Comes Fabritius Torglionus Clericus Anconitan. Jacobi S. Mariae de Pace Nini Petrus Valtronius Monfavinien. J. U. D. Clericus Diaec. Aretin. in Etruria, Caroli Roberti Victorii. Julius Puttius Sacerdos à Spetia Diaec. Sarfanen. Julii Spinulae. Abbas Didacus Tabafus Diaec. Sulmonen. Junici S. Clementis Caraccioli. Thomas Berterra Clericus à Saxoferrato, Joannis Delphini. Julius Florinus Regien. Conjugatus, Rinaldi S. Nicolai in Carcere Tulliano Eftenfis. Camillus Cerronius Canonicus Cathedralis Ferrarien. Joannis Stephani S. Agathae Donghii. Adrianus Corromanus Clericus Conjugatus Perusinus Pauli Emili S. Mariae in Cosmedin Rondinini. Marcus Mellinus Romanus Clericus Conjugatus Francisci S. Mariae in Viailata Moidalchini. Joseph Danzaert de Beveren. Clericus Flandren. Frederici S. Caefarei de Haffia. Antonius Comes Clericus Camerinen. Caroli S. Angeli in foro Piscium Barbarini. Petrus Carolus Capelletus Clericus Conjugatus Reatinus, Caroli Sancti Eustachii Pii. Franciscus Gentilucius Clericus Lauretanae Diaec. Caroli S. Eustachii Gualterii. Antonius Favonius Canonicus Cathedralis S. Severini, Decii S. Adriani Azzolini. Hieronymus Valentinus Sacerdos Horten. Odoardi SS. Cosmae, & Damiani Vecchiarelli. Dominicus Ranconius Laicus Ferrarien. Jacobi S. Mariae in Aquiro Franconi. Gasparus Plantandus Clericus Romanus, Francisci Mariae SS. Viti, & Modesti Mancini. Joannes Hieronymus Rosolinus J. U. D. Romconus, Angeli Sancti Georgii ad velum aureum Celsi. Anibal Benignus Clericus Camerinen. Pauli S. Mariae de Scala Sabelli Peretti. Pascalius de Forneris Gallus Marficen. Clericus Conjugatus, Ludovici de Vandofne Diaconorum Sanctae Romanae Ecclesiae nuncupatorum.

Constitutio super Reformatione Jurisdictionis Tribunalis Burgi.

CLEMENS EPISCOPUS

*Servus servorum Dei. Ad perpetuam rei memoriam.*

**I**N hoc primo Nostri Pontificatus ingressu, id à Nobis nostri muneris ministerium exigit, ut in remotos aequè, ac proximos paternae charitatis officium extendatur, nulli tamen invidiosum fore credimus, si à dilectis filiis Almæ Urbis nostrae habitatoribus, iisque potissimum, qui illius Regionem Burgi vocabulo nuncupatum nostro Vaticano Palatio propinquam sub oculis ferè nostris inhabitant, nostra beneficentia initium capere conspiciatur.

§. 1. Propterea cum sac. rec. Julius Papa III. Praedecessor noster per suas sub Annulo Piscatoris die 22. Febr. anni 1550. Pontificatus sui Primo expeditas literas Gubernatori utriusque Burgi S. Petri privativam, & particularem Jurisdictionem civilem, & criminalem, merumque & mixtum Imperium, ac gladii potestatem concesserit, cum facultate deputandi Judices, Procuratorem Fiscalem, Notarios, & Exequutores, eaque Jurisdictione postmodum à nonnullis ex Praedecessoribus nostris, in similitudinem Gubernatorum electione, per alias eorum literas sub plumbo, seu Annulo Piscatoris, ut praefertur, expeditas, renovata, & declarata, & forsitan consuetudine ampliata extiterit.

§. 2. Nos considerantes quod multa etiam ab initio mature discussa, & ad optimum finem instituta tractu temporis diversimodè regenda, & gubernanda sunt, experientia, & successiva rerum mutatione sic docentibus, certioresque insuper facti, quod eidem Burgi Tribunali pro congrua Officialium ejusdem sustentatione non aliter provisum sit, quam ex taxis majoribus, & gravioribus excedentibus taxas aliorum Tribunalium, & praecipue Gubernii Urbis: atque hinc dispendia, & querimoniae oriuntur, illorum, quorum beneficio erectum fuit; Quodque ex Tribunalium multiplicitate frequenter contentiones super jurisdictione insurgunt, necnon inter se se discrepantes processus, quae omnia & Reis molestias aggravant, & causarum expeditioni impedimento sunt.

§. 3. Proinde subditorum nostrorum commodo, & recto Justitiae cursui consulentes, nonnullorum Venerabilium Fratrum nostrorum S. R. E. Cardinalium ad hoc à nobis specialiter deputatorum desuper auditis sententiis; hac nostra perpetuo valitura Constitutione praefatam Julii, aliasque quascumque Praedecessorum nostrorum Constitutiones, ac literas (quarum tenores hic pro expressis, & insertis haberi volumus) ut praefertur emanatas, in ea tantum parte, cui haec nostra Constitutio adversatur, revocamus, & annullamus, quas tamen in reliquis in suo robore permanere volumus; Et in futurum dilectum filium nunc, & pro tempore existentem Almæ Urbis nostrae Gubernatorem ejusdem Burgi Vicegubernatorem privatè pro causis civilibus, criminalibus, & mixtis, cum omnibus facultatibus sibi in aliis dictae Urbis Regionibus, etiam vigore literarum, seu Chirographorum de quibus specialis, seu specialissima mentio habenda foret, competentibus, per praesentes deputamus, ac deputatum esse volumus, & decernimus; Ita quod pro Burgi causis hujusmodi nobis, successoribusque nostris tantum, & non aliis rationem reddere, aut parere teneatur. Et cum jam ex speciali nostro Chirographo indemnitati possessoris officii Notariatus d. Burgi consultum sit, mandamus eidem

VI.

Edita An. D.  
1667.

Exordium.

Causas docet Clem. IX. cur ad reformationem procedat.

Guber-